

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 325426 22 St
Tuzla, 23.02.2022 godine

OPĆINSKI SUD U TUZLI, sudija Faruk Arnaut razmatrajući prijedlog likvidatora dužnika "SOLTERM" d.o.o. za proizvodnju, trgovinu i usluge, Grabovica bb, Gračanica van ročišta donio je dana 23.02.2022. godine sljedeće: "TAREVCI LOGISTIC" d.o.o. za trgovinu, promet i usluge Gradačac, Požarničkih branilaca bb

R J E Š E N J E

POZIVAJU SE predlagač, povjerioci i sva zainteresovana lica da u roku od 30 (trideset) dana od dana prijema prepisa rješenja, na žiro-račun Suda, broj: 132-100-03091233-91 NLB "Tuzlanska banka" Tuzla, predujme iznos od 2.000,00 KM (dvijehiljadekonvertibilnihmaraka), na ime troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko stečajni dužnik kao predlagač, povjerioci ili neko od zainteresovanih lica ne uplati navedeni iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

O b r a z l o ž e n j e

Na ročištu za ispitivanja prijava potraživanja u likvidacionom predmetu broj Broj: 32 0 L 325426 21 L 2 od 20.01.2022. godine, likvidator se izjasnio da ne osporava Milenijum Šped d.o.o. Derventa u iznosu od 1.921,55 KM uvećano za zakonske zatezne kamate počev od 05.05.2018. godine pa isplate i troškove postupka u iznosu od 1.160,00 KM, koje se zasniva na pravosnažnoj i izvršnoj presudi Općinskog suda u Tuzli u predmetu broj 32 0 Mals 334857 18 Mals od 15.05.2019. godine, te je istako da društvo ne posjeduje imovinu za namirenje potraživanja, zbog čega je predložio sudu da nakon pravosnažnosti rješenja o obustavi likvidacionog postupka zahtjev likvidatora smatra prijedlogom za otvaranje stečajnog postupka, a iz razloga platežne nesposobnosti istog po članu 6. Zakona o stečajnom postupku u FBiH.

Uvidom u likvidacioni spis, sud je utvrdio da je dana 08.12.2020. godine podnesen prijedlog za pokretanje likvidacionog postupka nad pravnim licem "TAREVCI LOGISTIC" d.o.o. za trgovinu, promet i usluge Gradačac, da je rješenjem od 03.01.2018. godine otvoren postupak likvidacije nad istim pravnim licem, koji postupak je obustavljen dana 20.01.2022. godine. Razlog obustavljanja likvidacionog postupka je činjenica da likvidacioni dužnik nema novčanih sredstava i imovine iz koje bi unovčenjem mogao izmiriti likvidaciona potraživanja, a sve to obzirom da je nakon otvaranja likvidacionog postupka prijavu potraživanja podnijeli su Uprava za indirektno oporezivanje BiH, RC Tuzla u iznosu od 3.497,10 KM, koje je likvidator društva u cjelosti izmirio, te Milenijum Šped d.o.o. Derventa u pomenutom iznosu u obrazloženju rješenja. Na ročištu održanom dana 20.01.2022. godine likvidator je priznao potraživanje povjerioca Milenijum Šped d.o.o. Derventa, te istakao da nema sredstava za izmirenje, obzirom da likvidacioni dužnik nema imovinu iz koje bi namirio povjerioca.

Postupajući po zahtjevu likvidatora sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban. Kako je prijedlog za otvaranje stečajnog postupka podnio likvidator u likvidacionom postupku, to je predložio da sud direktno otvori stečajni postupak, u smislu odredbe člana 103. stav 1. Zakona o stečaju u FBiH.

Cijeneći da su ispunjeni uslovi za direktno otvaranje stečajnog postupka obzirom da je prijedlog podnio likvidator nakon provedenog likvidacionog postupka i dostavljenog izvještaja, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju u FBiH pozvao dužnika, povjerioce i sva zainteresovana lica da izvrši uplatu troškova finansiranja stečajnog postupka u visini od 2.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, poduzimanja radnji u slučaju eventualnog utvrđenja postojanja imovine koja bi činila stečajnu masu, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava).

Predujam se uključuje u obavezu stečajne mase.

Ukoliko predlagač, povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju FBiH.

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina FBiH, zasniva se na odredbi člana 102. stav 7. Zakona o stečaju u FBiH.

SUDIJA
Faruk Arnaut

POUKA O PRAVNOM LIJEKU: Protiv ovog rješenja nije dozvoljena žalba.